

Husne Mustafa Aur Kalaame Raza



 **Maulana Abussayeed Sajjad Ali Faizi**

ROMAN URDU BY GHULAM -E- HUZoor ASHRAFUL FUQAHA 

POWERED BY :

AMO

ABDE MUSTAFA OFFICIAL

SABİYA
VIRTUAL PUBLICATION

HUSNE MUSTAFA **AUR KALAME RAZA**

WRITER
MAULANA ABUSSAYEED SAJJAD ALI FAIZI

ROMAN URDU BY
GHULAM -E- HUZOOK ASHRAFUL FUQAHA

SABIYA VIRTUAL PUBLICATION

+919102520764 (WhatsApp)
abdemustafa78692@gmail.com

Contents

CLICK ON THE TITLES FOR DIRECT JUMP ON PAGE

HUSN E MUSTAFA ﷺ :-	3
Zulf Ambareen :-	9
Sare Anwar :-.....	17
Peshani Mubarak :-	19
Abru Mubarak :-	21
Kaan Mubarak :-.....	26
Aankh Mubarak :-.....	28
Beeni Mubarak :-	33
Rukhsar Mubarak :-	34
Dahan Mubarak :-	38
Zaban Mubarak :-	39
Labhaaye Mubarak :-.....	41
Dandaan E Mubarak :-.....	44
Tabassum Mubarak :-	45
Daadi Mubarak :-.....	46
Chehra E Anwar :-.....	48
Gardan Mubarak :-	57
Kandhe Mubarak :-	58
Pusht Mubarak :-	60
Mohr E Nabuwwat :-	61
Baazu Mubarak :-	62
Dast (Haath) Mubarak :-	63
Ungliyan Mubarak :-	66
Seena E Aqdas :-	69

Qalb Mubarak :-	70
Shikam Mubarak :-	71
Kamar Mubarak :-	72
Zaanu Mubarak :-	73
Pindliyaan Mubarak :-	74
Naakhoon Mubarak :-	75
Qadam Mubarak :-.....	76
Talwa Mubarak :-	77
Aeriyan Mubarak :-.	78

HUSN E MUSTAFA ﷺ :-

1

L a m Y a a t i N a z e e r u k a F e e N a z a r i n
M i s l e T o N a S h u d P a i d a J a a n a
J a g R a a j K o T a a j T o r e S a r s o
H a y T u j h K o S h a h e D o S a r a a J a a n a

Maani :-

Lam Yaati Nazeeruka Fi Nazarin = Huzoor ﷺ Ki Misl Kisi Ko
Nazar Aaya Hi Nahi

Misl e Tu Na Shud Paida Jaana = Aye Mehboob! Teri Tarah
Koi Paida Hi Nahi Huwa.

Jag Raaj Ko Taaj Tore Sar So = Saare Jahan Ka Taaj Aap Hi
Ke Sar Per Sajta Hai.

Hai Tujh Ko Shahe Do Sara Jaana = Hum Ne Jaan Liya Ke
Aap Hi Dono Jahaano Ke Baadshah Hai.

Mafhoom :-

Ya Rasoolallah ﷺ Aap Jaisa To Kabhi Na Dekha Gaya Na
Aayenda Dekha Jaayega. Allah Ne Aap Jaisa Koi Paida Hi
Nahi Farmaya. Jahano Ki Baadshahi Aap Ko Hi Sajti Hai
Isliye Hum Ne Aapko Do Jaahan Ka Baadshah Maan Liya
Hai.

2

J i s K e J a l w e S e M u r j h a a y i K a l i y a n K h i l i
U s G u l E P a a k M i m b a t P e L a a k h o n S a l a m

Maani :-

Jalwa = Nazara, Deedar

Murjhaayi Kaliyan = Sookeh Gunche

Mimbat = Ugaya Huwa Ya Ugne Ki Jaga

Mafhoom :-

Hamare Pyare Nabi ﷺ Ka Chehra E Anwar Aisa Noorani Hai
Ke Jis Ke Deedar Se Dil Ki Murjhaayi Huwi Aur Khushk
Kaliyan Khil Ut ti hai Qurbaan Jaayiye Us Ba Barkat Aur
Pakeeza Phool Ki Uthaan Per, Aap Per Allah Ta'ala Ki
Laakhon Rahmatien Naazil Ho.

3

W a s f J i s k a H a i A a y e n a E H a q N u m a
U s K h u d a S a a z T a l a ' t P e L a a k h o n S a l a m

Maani :-

Wasf = Khoobi

Haq Numa = Allah Ki Raah Dikhane Wala

Khuda Saaz = Khuda Ki Pehchan Karane Wala

Tal'at = Chehra

Mafhoom :-

Jis Aaq E Do Jahaan ﷻ Ki Chehra E Anwar Ki Khoobi Ye
Hai Ke Haq Ko Dekhne Ka Aayena Ho Us Khuda Ka Deedar
Karane Wale Rukh E Roshan Pe Laakhon Salam.

4) Khama E Qudrat Ka Husn E Dastkaari Wah! Wah!
Kya Hi Tasweer Apne Pyaare Ki Sanwaari Wah! Wah!.

Maani :-

Khama E Qudrat = Allah Ki Qudrat Ka Qalam

Dastkaari = Kaari Giri

Sanwaari = Aarasta Farmayi.

Mafhoom :-

Aye Mere Allah Teri Kaari Giri Aur Tere Qalam Ki Quwwat
E Takhleeq Pe Qurban Ki Tune Apne Pyaare Mehboob ﷺ Ko
Kitna Haseen Paida Farmaya Hai... Wah Subhan Allah...!

5

Husn Khata Hai Jiski Namak Ki Qasam
Wo Maleeh E Dilara Hamara Nabi

Maani :-

Husn = Khubsoorti, Jamal

Maleeh = Namkeen (Malahat Wala, Jis Ko Dekhne Se Sairabi
Na Ho)

Mafhoom :-

Husn E Mustafa ﷺ Me Aisi Namkeen Malahat Tha Ke Khud
Husn Bhi Uski Malahat Ki Qasmien Khata hai Aur Wo
Malahat Wala Pyara Hamara Nabi Hai.

6

Allah Re Tere Jisme Munawwar Ki Taabishien
Aye Jaan E Jaa Mai Jaan E Tajalla Kahun Tujhe

Maani :-

Allah Re = Wah , Subhanallah

Munawwar = Noorani

Taabishien = Chamak, Nooraniyat

Jaan E Jaa = Jaan Ki Jaan (Rooh)

Jaan E Tajalla = Roshni Wa Noor Ki Jaan.

Mafhoom :-

Subhanallah! Aap Ke Noorani Jism Me Noor Ki Aisi
Tajalliyan Bhar Di Gayi Hai Ke Aye Mere Jaan Ki Bhi Jaan (Jaan E Kainath ﷻ) Mere Dil To Chah Raha Hai Ke Mai Aap Ko Noor Ki Bhi Jaan Kahun.

7

Gulzaar E Quds Ka Gul E Rangeen Ada Kahoon
Darmaan E Dard E Bulbul E Shayda Kahoon Tujhe

Maani :-

Gulzar E Quds = Pakeezgi Ka Baagh

Gul E Rangeen = Rangdaar Khoobsurat, Naaz O Ada Wala Phool

Darmaan = Ilaj

Dard = Bimari

Bulbul E Shayda = Aashiq E Zaar Murad Hai.

Mafhoom :-

Aye Mere Azmat O Kamal Wale Nabi ﷺ Aap Ko Jannat Ke Muqaddas O Pakeeza Baagh Ka Khubsoorat Tareen,
Naazmeen Phool Kaha Jaaye Ya Dard E Ishq Me Tadapne Wale Bulbul Ka Ilaj Kahun Yaani Aap Ke Wo Aashiq Jo Aapke Hijr O Furqat Me Har Waqt Tadapte Rehte Hain Aur Aap Ka Naam Sun Kar Aap Ka Jalwa Dekh Kar Unke Be Chain Dilo Ko Chain Mil Jaata Hai.

8

J i s k a H u s n A l l a h K o B h i B h a a G a y a
A i s e P y a a r e S e M o h a b b a t K i j i y e

Maani :-

Bhaa Gaya = Pasand Aagaya

Mafhoom :-

Jis Pyare Aqa ﷺ Ka Husn Allah Ko Bhi Pasand Aagaya Aye Gunahgaro! Aise Pyaare Mehboob Se Mohabbat Kijiye.

9) Wo Kamal E Husn E Huzoor Hai Ke Gumaan e Naqs Jahaan Nahi

Yahi Phool Khaar Se Door Hai Yahi Shama' Hai Ke Dhuwa Nahi.

Maani :-

Naqs = Kami, A'ib

Khaar = Kaanta.

Mafhoom :-

Aaqa E Do Jahaan ﷺ Ko Allah Ta'ala Ne Kamal Ka Husn Ata Farmaya Hai Ke Aap Ke Husn Me Aib To Kya Aib Ka Gumaan Bhi Nahi Ho Sakta, Duniya Ka Kaunsa Wo Phool Hai Jiske Saath Kaanta Na Ho Magar Madine Ka Phool Har Qisam Ke Kaante Se Mehfooz Aur Har Tarah Ka Kaanta Aap Se Door Hai Aur Har Shama' Ke Saath Dhuwa Ka Hona Lazim Hai Lekin Aap Aise Shama' E Risalat Hai Ke Jahan Dhuwa Ka Naam O Nishaan Tak Nahi.

Zulf Ambareen :-

1

W o K a r a m K i G h a t a G e s u E M u s h k S a a
L a k k a A b r E R a a f a t P e L a a k h o S a l a m

Maani :-

Ghata = Siyah Baadal

Mushk Sa = Kastoori Ki Tarah

Lakka = Tukda

Abr = Baadal

Mafhoom :-

Bakhsish Wa Karam Ki Kaali Siyah Ghata Yaani Gesu E
Mustafa ﷺ Jis Se Kastoori Se Badh Kar Khusboo Ke Hulle
Aate The Us Meherbani Ke Baadal Ke Tukde Per Laakho
Salaam.

2

L a i l a t u l Q a d r M e M a t l a ' E F a j r E H a q
M a a n g K i I s t e q a m a t P e L a a k h o S a l a m

Maani :-

Lailatul Qadr = Shab E Qadr

Matla' = Tuloo Hona

Fajr = Subah

Maang = Sar Ke Baalo Ke Darmiyaan Nikalne Wali Lakheer

Isteqamat = Seedha Pan

Mafhoom :-

Shab E Qadr Me Tuloo E Fajr E Haq (Haq Ke Sooraj Ka Nikalna) Aaqa ﷺ Ki Maang Mubarak Hai. Aur Itni Seedhi Maang Ke Jis Tarah Siraat E Mustaqeem Hai Us Maang Mubarak Ke Seedhi Per Bhi Laakhon Salaam.

3

Mushk Bu Zulf Sey Rukh Chehra Sey Baalon Mein Shuaa'a Mo'jizah Hay Halab E Zulf O Tataar E A'ariz

Maani :-

Mushk Bu Zulf = Mushk Ki Khusboo Wali Zulf

Rukh Chehra = Chehre Ki Taraf

Shuaa'a = Chamak

Mo'jizah = Lajawab Wa Aajiz Kar Dene Wali Shayi

Halab = Shaher Ka Naam Hai Magar Murad Is Se Majazi Leep Lete Hai Jo Maalish Karne Ki Marham Hai Chunke Wo Siyah Hoti Hai Aur Siyah Zulf Ke Saath Halab Ke Saath Mubalghe Pe Daal Hai.

Mafhoom :-

Baalon Ki Chamak Noori Chehre Ke Sabab Se Aur Mushk Me Khusboo E Gesu E Mo'attar Ke Sadqe Se Zulfo Ko Aap Ka Gesu La Jawaab Kar Raha Hai Aur Surkh O Safed Rukhsaaron Ko Aap ﷺ Ka Roshan Chehra Aajiz Kiye Baitha Hai.

4

Hay Kalaam E Ilaahi Mein Shams O Duhaa Tere Chehra E
Noor Fiza Ki Qasam
Qasam E Shab E Taar Mein Raaz Ye Tha Ke Habeeb Ki Zulfe
Do Taa Ki Qasam

Maani :-

Kalam E Ilahi = Quran E Majeed

Shams = Surah E Shams

Dhuha = Surah Dhuha

Noor E Fiza = Noor Baar, Noor Badhane Wala, Roshni Dene
Wala

Shab E Taar = Andheri Raat Murad (Wallail Iza Saja)

Do Taa = Kham Daari, Kundal Wali.

Mafhoom :-

Aye Mere Noor Wale Aaq! ﷺ Quran E Majeed Washams
Waddhuha Farma Kar Allah Ta'ala Ne Aap ﷺ Ke Chehra E
Anwar Ki Qasam Yaad Farmayi Hai Aur Wallail Iza Saja
Farma Kar Aap ﷺ Ke Siyah Zulfon Ki Qasam Yaad Farmayi
Hai. Goya Din Agar Munawwar O Roshan Hai To Rukh E
Mustafa ﷺ Se Aur Raat Agar Andheri Wa Siyah Hai To Zulfe
Do Taa Se.

5

Koocha E Gesu E Jaanaa Se Chale Thandi Naseem
Baal O Par Afshaan Ho Ya Rab Bulbulaan E Sokhta

Maani :-

Jaana = Mehboob

Naseem = Narm Aur Khusboodar Hawa

Afshaan = Jhaadna, Jhidakna .

Mafhoom :-

Aye Allah! Tere Mehboob ﷺ Ke Gesuon Ko Choo Kar Chalne Wali Hawa Kab Yahan Pahunchegi Kyunke Bulbule Soktha (Aashiqan E Mustafa ﷺ) Apne Baal O Per Us Hawa Per Nichaawar Karne Tayyar Liye Baithe Hai Ke Madeene Ki Hawa Aaye Aur Hum Naat Khwani Me Masroof Hojaye Koocha E Geso E Jaana Se Huzoor ﷺ Ki Seedhi Aur Noorani Maang Muraad Hai.

6

Subh E Watan Pe Shaam E Ghareeban Ko Du Sharaf
Bekas Nawaaz Gesu E Waala Kahun Tujhe

Maani :-

Subh E Watan = Apne Desh Ki Subah

Shaam E Ghariban = Musafiro Ki Shaam Jo Mashaqqat Wali Hoti Hai.

Sharaf = Fazilat

Bekas Nawaz = Majbooro Ko Nawazne Wala

Gesoo Wala = Zulfo Wala

Mafhoom :-

Mai Apne Desh Ki Subah Ko Aap ﷺ Ke Madeene Ki
Musafirat Wa Ghareeb Ul Watan Waali Shaam Per Fazeelat
Deta Hoon, Aap To Ghareeb Nawaz Hai Aur Aisi Pyaari
Zulfo Wale Ke Saare Jahaan Aapke Zulf Ke Qaidi Hai.

7

Chaman E Taiba Me Sumbul Jo Saware Gesu
Hoor Barh Kar Shikan E Naaz Pe Waare Gesu

Maani :-

Sumbul = Khusboodar Ghaas

Shikan E Naaz = Nakhr E Kaabil

Waare = Qurban Kiye

Mafhoom :-

Madine Ke Baagh Me Jab Allah Ke Pyaare Mehboob ﷺ Ne
Apne Baal Sanwaare Ne Shuru Kiye To Ghane Balon Per
Kangi Karte Waqt Jo Chehre Per Shikan Padhti Hai Mehboob
Ki Peshani Ke Shikanon Per Jannat Ki Hoorien Apne Gesu
Qurban Karne Ke Liye Daudti Hai.

8

Hum Siyaah Karo Pe Ya Rab Tapish E Mehshar Me
Saaya Afghan Ho Tere Pyaare Ke Pyaare Gesu

Maani :-

Tapish = Garmi, Hararat

Saaya Afghan = Chaaun Karne Wale

Mafhoom :-

Aye Maula Qiyamat Ki Garmi Me Hum Per Apne Mehboob
ﷺ Ki Zulf E Lail Ka Saaya Naseeb Karde.

9

Aakhir Hajj Gham E Ummat Me Pareshan Ho Kar
Teerah Bakhto Ki Shafa'at Ko Sudhare Gesu

Maani :-

Aakhir Hajj = Hajj Tul Wida,

Teerah Bakht = Gunahgaar

Sudhare = Sanwaare.

Mafhoom :-

Hajj Tul Wida Ke Mauqe Per Aaqa ﷺ Gunahgar Ummatiyo Ki
Bakshish Ke Silsile Me Pareshaan Hokaar Un Ki Shafa'at Ke
Liye Apni Mubarak Zulfo Ko Sanware (Ya Baal Mubarak
Sanwaarne Se Juda Farmaye Yaani Katauti Farma Kar Sahab
E Ikram Me Taqseem Farmaya Taa Ke Poori Duniya Me Baal
Mubarak Phail Jaaye Aur Apni Ziyarath Karne Walo Ki
Baroz E Qayamat Shafa'at Farmaye.

10

Ka'aba E Jaan Ko Pehnaya Hai Ghilaf E Mushkeen
Ud Kar Aaye Hain Abru Pe Jo Tumhare Gesu

Maani :-

Ka'aba E Jaan = Jaano Ka Qibla (Huzoor ﷺ)

Ghilaf E Mushkeen = Khusboodar Siyah Rang Ka Ghilaf

Abru = Bhawien

Mafhoom :-

Jab Mere Aaqā ﷺ Ki Siyah Zulfien Udh Kar (Lehra) Ke
Chehra E Anwar Ko Dhaanpti Thi To Kya Aisa Nahi Lagta
Tha Ke Jaise Jaan Ke Ka'aba (Rukhe Waddhuha) Ko
Khusboo Daar Siyah Ghilaf Pehnaya Gaya Hai??.

11

**Bheeni Khusbok Se Mehak Jaati Hai Galiyan Wallah
Kaise Phoolon Me Basaye Hain Tumhaare Gesu**

Maani :-

Bheeni Khusboo = Umda Khushboo

Mehak Na = Muattar Ho Jaana

Wallah = Qasam Ba Khuda.

Mafhoom :-

Aye Mere Allah Tu Ne Apne Mehboob ﷺ Ki Zulfon Ko Kis
Baagh Ke Phoolo Se Basaya, Banaya, Sanwaara Hai Ke
Jidhar Jaate Hain Teri Zaat Ki Qasam Hai Koocha Wa Bazaar
Mehak Jaate Hain Aur Aise Ke Duniya Ke Kisi Phool Se To
Ye Khusboo Milti Nahi.

12

Tail Ke Boondien Tapakti Nahi Baalon Se Raza
Subh E Aa'riz Pe Lutaate Hain Sitaare Gesu

Maani :-

Boondien = Qatre

Subh E Aariz = Subha Ki Tarah Chamakdaar Gesu

Lutaate = Nichaawar Karte.

Mafhoom :-

Aye Raza Ye Tail Ke Boondien Jis Waqt Aaqa ﷺ Tail
Mubarak Apne Baal Mubarak Me Lagaate To Baalon Se Nahi
Tapakte Rahe Mujhe To Yun Lag Raha Hain Ke Sitaaro Se
Bhar Poor Raat Rukh E Wadhhuha Pe Sitare Nichawar Kar
Rahi Hai.

Sare Anwar :-

1

Sarw E Naaz E Qidam Magz E Raaz E Hikam
Yakkah Taaz E Fazilat Pe Laakhon Salaam

Maani :-

Sarw E Naaz = Naaz O Adaa Wala Sarw e qad Mehboob

Qidam = Qadeem (Saare Makhlooq Se Pehle)

Magz = Raaz

Raaz E Hikam = Hikmaton Ka Bhed

Mafhoom :-

Hamare Aaqa ﷺ Sarapaye Aqdas Shahkar E Quadrat Hai Aur
Aap ﷺ Ki Zaat E Ba Barkat Raaz Haaye Sar Basta Yaani
Asraar E Quadrat Ka Makhzan Wa Mamba' Hai. Tamam
Makhlooq Per Sabqat Wa Fazeelat Le Jaane Wale Mehboob E
Khuda Per Laakhon Salaam.

2

Jiske Aage Sar E Sarwara Kham Rahe
Us Sare Taaj E Rifa't Pe Laakhon Salaam

Maani :-

Sarwara = Sardaar

Kham = Jhuk Jaana

Taaj E Rif'at = Shaahi Topi

Mafhoom :-

Hamare Aaqā ﷺ Ke Jah O Jalal Ke Saamne Bade Bade
Sardaaron Ke Sar Adab Se Jhuk Jaate The Us Shaahi Taaj
Wale Sar E Anwar Pe Laakhon Salaam.

4

Kya Bana Naam E Khuda Asra Dulha Noor Ka
Sar Pe Sehra Noor Ka Bar Me Shahana Noor Ka

Maani :-

Asra = Me'raj Shareef

Bar = Murad Poora Jism

Shahana = Shaahi Libaas

Mafhoom :-

Subhanallah! Meraj Ki Raat Allah Ka Pyaare Mehboob ﷺ Aur
Shab E Asra Ke Dulha Ki Shaan O Shaukat, Ro'ab O Dabdaba
Aur Husn O Jamal Dekhne Wala Tha, Sar E Anwar Pe Noor
Ka Sehra Saja Huwa Tha Aur Shahana Libas Zeb E Tan Kiye
Huwa Tha.

Peshani Mubarak :-

1

Jiske Mathe Shafa'at Ka Sehra Saja
Us Jabeen E Sa'adat Pe Laakhon Salaam

Maani :-

Mathe = Peshani

Jabeen = Peshani

Sa'adat = Nek Bakhti

Mafhoom :-

Qiyamath Ke Din Jis Ki Sa'adat Wali Peshani Mubarak Per
Sehra Saje Ga Us Jabeen Ki Sa'adat Pe Laakhon Salaam.

2

Tere Hi Mathe Raha Aye Jaan Sehra Noor Ka
Bakht Jaaga Noor Ka Chamka Sitara Noor Ka

Maani :-

Mathe = Peshani

Raha = Tehra, Saja

Bakht = Khusnaseeb

Jaaga = Bedar Hona

Mafhoom :-

Aye Jaan E Kaayenath ﷺ! Fath O Nusrat Ke Noor Ka Sehra
Aap Hi Ke Sar Hai. Noor Ka Khushnaseebi Bhi Aap Ki

Barkat Se Bedar Huwa To Noorani Sitaara Bhi Aap Hi Ke
Sadqe Aaj Tak Chamak Raha Hai Jo Jis Rang Me Roshni De
Raha Hai Ye Saara Aap Hi Ka Faiz Hai.

3

Sharm Se Jhukti Hai Mehrab Ke Saajid Hai Huzoor
Sajda Karwati Hai Ka'aba Se Jabeen Saayi Dost

Maani :-

Mehrab = Ibaadat Karne Ki Jagah, Masjid Me Imam Ke
Khade Hona Ka Maqam

Saajid = Sajda Karne Wala

Jabeen = Peshani

Saayi = Ragadna

Mafhoom :-

Apne Mehboob E Haqeeqi Ki Khaatir Mehboob E Khuda ﷻ
Ka'abe Ki Taraf Sajda Karte Hain Warna Ka'aba To Sharmata
Hoga Ke Jis Ke Paida Hone Per Mai Ne Jhuk Kar Salami Di
Thi Wo Apne Rab Ka Hukm Maan Kar Mujhe Sajda Kar
Raha Hai Aur Mehrab Is Liye Jhuki Hai Hai Ke Sharma Rahi
Hai Ke Allah Ka Habeeb ﷻ Jhuk Kar Sajda Karte Hain.

Abu Mubarak :-

1

Jiske Sajde Ko Mehrab E Ka'aba Jhuki
Un Bhavon Ki Latafaat Pe Laakhon Salaam

Maani :-

Mehrab = Masjid Me Imam Ke Khade Hone Ki Jagah

Bhavon = Abruon

Lataafat = Nazakath Wa Khoobi

Mafhoom :-

Jab Aaqā ﷺ Ki Wiladat E Ba Sa'adat Huyi To Aap ﷺ Khud To
Sajde Me Gir Kar Allah Ki Baargah Me Apni Ummat Ke Liye
Dua Farma Rahe The Aur Ka'aba Aap ﷺ Ki Taraf Jhuk Kar
Aap ﷺ Ke Noorani Bhavon Ki Nazakath O Lataafat Ko
Salaami De Raha Tha.

2

Unki Aankhon Pe Wo Saaya Afgan Muzhah
Zullahe Qasr E Rahmat Pe Laakhon Salaam

Maani :-

Saaya Afgan = Saaya Karne Wala

Muzhah = Palak

Zullah = Chatri

Qasr = Mahal

Mafhoom :-

Aap ﷺ Ki Door O Nazdeek Se Dekhne Waali Aankhon Pe
Chatri Ki Tarah Saaya Karne Wali Mubarak Noorani Palkien
Goya Rehmat Ke Mahal Pe Noor Ki Chatri Hai Jo Saaya Kar
Rahi Hai. Un Noorani Palko Pe Bhi Laakhon Salaam.

3

Y a a d A b r u K a r k e T a d p o B u l b u l o
T u k d e T u k d e K a r k e D a a m H o H i J a y e g a

Maani :-

Yaad E Abru = Bhavon Ko Yaad

Bulbulo = Phool Ka Aashiq Majazan Usshaqan E Mustafa
ﷺ Murad Hai

Daam = Jaal

Mafhoom :-

Aye Bulbulo! Gar Shikaari Ke Jaal Se Rihaayi Chahte Ho To
Apne Mehboob Ki Yaad Me Tadpo, Jaal Khud Hi Tukde
Tukde Ho Jayega Aur Tumhein Khud Hi Azaadi Mil Jaayegi.
Aur Aye Museebat Zado! Yaad E Habeeb Me Tadpo
Museebaton Ke Jaal Toot Jayengey.

4

H i l a a l K a i s e N a B a n t a K e M a h K a m i l K o
S a l a m A b r u E S h a h M e K h a m e e d a H o n a T h a

Maani :-

Hilaal = Pehli Raat Ka Chand Jo Kamaan Ki Tarah Hota Hai

Mah Kamil = Chaudvi Ka Chand

Abroo = Bhavien

Khameeda = Tedha

Mafhoom :-

Chaudvi Raat Ka Chand Ghat Te Ghat Te Aakhir E Kaar
Hilaal Yaani Kamaan Ki Tarah Baareek Ban Jaata Hai Aakhir
Kyun? Isliye Ke Usne Jhuk Kar Huzoor ﷺ Ki Bargah Me
Salam Pesh Karni Hoti Hai.

5

Ishaara Karde Agar Wo Kamaan E Abru Ka
Hamara Teri Dua Phir Kabhi Khata Na Kare

Maani :-

Kamaan E Abru = Bhavon Ki Shakal (Kamaan Jaisi)

Khata = Ghalti, Nishane Pe Na Lagna

Mafhoom :-

Huzoor ﷺ Ke Ishaara E Abru Ke Saath Hi Allah Ki Rahmath
Ka Rukh Phir Jaata Hai Agar Hamare Duaon Ki Qubooliyat
Ke Liye Bargah E Ilahi Me Arz Kardein To Hum
Mustajabuddawath Ho Jaaye Aur Hamari Koi Bhi Dua Radd
Na Ho.

6

Kham Zulf E Nabi Sajid Hai Mehrab Do Abru Me
Ke Ya Rab Tu Hi Waali Hai Siya Karan E Ummat Ka

Maani :-

Kham Zulf = Zulf Ka Pacchi Ya Kundal

Mehrab = Imam Ke Khade Hone Ki Jagah

Abru = Bhavien

Siya Karaan E Ummat = Ummat Ke Gunehgar

Mafhoom :-

Aap ﷺ Ke Kundal Wali Zulfien Mehrab E Nabvi Me Sajda
Raiz Hone Ke Waqt Bhavon Per Aakar Ummat Ke
Gunehgaron Ke Liye Dua Go Huwe Ke Allah Is Roshan
Chehre Wale Mehboob ﷺ Ki Ummat Ka Tu Hi Wali Hai Inke
Ummat Ke Gunahgaaro Ko Baksh De.

7

Tere Hi Jaanib Hai Paancho Waqt Sajda Noor Ka
Rukh Hai Qibla Noora Ka Abru Hai Kaaba Noor Ka

Maani :-

Jaanib = Taraf

Rukh = Chehra

Qibal = Markaz

Mafhoom :-

Saari Duniya To Kaabe Ki Taraf Munh Karke Sajda Karti
Hain Magar Aye Mere Noor Wale Aaqaa ﷺ! Noor Ka Sajda
Paancho Waqt Aap Hi Ki Taraf Hai Kyun Ke Aap Ka Chehra
Anwar Agar Noor Ka Qibla (Markaz E Tawajju) Hai To Aap
Ki Abru E Mubarak Noor Ka Qibla Hai.

8

Ashkbaari E Muzhgan Pe Barse Durood
Silk E Durr E Shafa'at Pe Laakhon Salaam

Maani :-

Muzhgan = Palkien

Barse = Naazil Ho

Silk = Dori

Durr = Moti

Mafhoom :-

Hamare Aaqa ﷺ Ki Ummat Ki Bakhsish Me Barsane Wali
Aankhon Ki Mubarak Palko Se Noor Ke Sacche Moti Ki
Tarah Girne Wale Shafa'at Ke Aansuon Ki Motiyo Ki
Ladiyon Pe Bhi Laakhon Salaam.

Kaan Mubarak :-

1

Door O Nazdeek Ke Sunne Wale Wo Kaan
Kaan E La'al E Karamat Pe Laakhon Salaam

Maani :-

Kaan = Ma'dan (Zakheera)

La'al = Moti, Jawaherat

Karamat = Buzurgi

Mafhoom :-

Sarkar E Madina ﷺ Ke Kaan Mubarak Jo Dar Haqeeqat Izzat Ke Motiyo Aur Azmat O Shaan Ke Heere Aur Jawaherat Ki Kaan (Zakheera) Hai Jo Jis Tarah Qareeb Se Sunte Hai Usi Tarah Door Se Bhi Sunte Hain. Un Kaan Mubarak Ki Azmat Pe Bhi Laakhon Salaam.

2

Gosh E Shah Kehte Hai Faryad Rasi Ko Hum Hain
Wa'ada Chashm Hai Bakshayen Ge Goya Ho Kar

Maani :-

Gosh E Shah = Huzoor ﷺ Ke Kaan Mubarak

Faryad Rasi = Faryadi Ki Madad Karna

Wa'ada Chashm = Aankh Ka Wa'ada

Mafhoom :-

Gunahgar Ummati Me Liye Mere Aaqaa ﷺ Ke Wajood Ke Ek
Ek Uzw Ne Khair Khwahi Farmayi Hai Chunanche Aap ﷺ Ke
Kaan Mubarak Ka Wa'ada Hai Ke Aye Siyaah Kaaro! Hum Jo
Hain Teri Daad Rasi Ke Liye, Aur Chahsmane Muqaddas Ka
A'had Hai Ke Hum Ro Ro Ke Tujhe Allah Se Bakhswane Ke
Liye Kaafi Nahi?

Aankh Mubarak :-

1

Ma'ani Qadra`a Maqсад MaaTagha
Nargis Baagh E Qudrat Pe Laakhon Salaam

Maani :-

Qadrai = Tehqeeq Us Ne Dekha

MaaTagha = Na Wo Behka

Nargis = Pehle Rang Ka Phool (Jiski Shaki Aankh Ki Tarah
Hone Ki Wajah Se Mehboob Ki Aankh Ko Iski Se Tashbeeh
Dete Hain)

Mafhoom :-

Hadees Shareef Me Hain Man Ra Aani Qadra`a Al Haq Jisne
Mujhe Dekha Usne Haq Dekha. Aur Quran E Majeed Me
Hain Maa Dhalla Saahibukum Wa MaaTagha (Apni Sohbat
Se Tumhein Faizyaab Karne Wala) Bhatka Aur Na Idhar
Udhar Huwa Ka Ma'ani Wa Maqsood Hain Ke Qudrat Ke
Gulshan E Nabuwwat Ke Nargisi Aankhon Pe Laakhon
Salaam.

2

Jis Taraf Uth Gayi Dam Me Dam Aagaya
Us Nigah E Inayat Pe Laakhon Salaam

Maani :-

Dam Me Dam Aana = Jism Me Jaan Aana

Nigah = Nazar

Inayat = Meherbani

Mafhoom :-

Is Jahan Me Aur Us Nahan Me Mere Aaqa ﷺ Ki Nigah E
Rahmat Jis Taraf Bhi Uthi Murda Jismon Me Jaan Ho Gayi
Hamare Rehmat Wale Aaqa ﷺ Ke Us Nigah E Rahmat O
Inayat Pe Laakhon Salaam.

3

Neechi Aankhon Ki Sharm O Haya Per Durood
Unchi Bheeni Ki Rif'at Pe Laakhon Salaam

Maani :-

Bheeni :- Naak

Rifa'at = Bulandi

Mafhoom :-

Hume Sharm O Haya Ki Ta'leem Dene Wale Aur Khud
Sharm O Haya Ke Paikar Aaqa ﷺ Ki Haya Ki Wajah Se Jhuki
Huyi Aankhon Per Laakhon Durood Aur Aap Ki Unchi Naak
Mubarak Ki Bulandi Pe Bhi Laakhon Salaam.

4

Jab Aagayi Hain Josh E Rahmat Pe Unki Ankhien
Jalte Bujha Diye Hain Rote Hansa Diye Hain

Maani :-

Josh = Ghalba

Jalte = Jo Aag Me Jal Rahe Ho

Mafhoom :-

Mere Aaqāﷺ Ki Rehmat Ka Aalam Ye Hain Ke Jab Un ki Rahmat Ka Darya Mo'jzan Huwa Yaani Ummat Ki Bakshish Ke Kiye Aankhon Se Aanso Jaari Huye To Aap Ki Ba Barkat Aansuon Ne Jahannum Ke Jalti Sho'lon Ko Bujha Diya Hain Aur Un Sho'lon Se Dar Ke Rone Walon Ki Shafa'at Kar Ke Un Roton Ko Bhi Hansa Diya Hain.

5

Sheesh Jehat Samt Maqabil Shab O Roz Ek Hi Haal
Dhoom Hai Wannajm Me Aap Ki Beenayi Ki

Maani :-

Sheesh Jehat = Che Taraf, Simtien

Maqabil = Saamne

Dhoom = Charcha

Wannajm = Qasam Sitaare Ki

Mafhoom :-

Baaqi Har Koi Aage Dekhe To Peeche Nahi Dekh Sakta,
Neeche Dekhe To Upar Nahi Dekh Sakta, Daayien Dekhe To
Baayien Nahi Dekh Sakta Lekin Sarkar ﷺ Che Jehatien Aage
Peeche, Neeche Upar, Daaye Baaye Har Waqt Sarkarﷺ Ke
Saamne Hain Aur Aap Ek Hi Waqt Me Che Taraf Ke Har
Cheez Dekhte Rehte Hain Is Liye To Aapki Binaayi Ke
Charche Surah Annajm Me Bhi Kiye Gaye Hain.

6

Sarmageen Aankhien Hareem Haq Ke Wo Mushkeen Ghazaal
Hai Fazaye La Makaan Tak Jinka Ramna Noor Ka

Maani :-

Sarmageen = Surma Wali

Hareem Haq = Allah Ne Jisko Izzat Di Huyi Ho

Mushkeen Ghazaal = Kastoori Wala Hiran

Fazaye La Makaan = Sheesh Jehat Se Ma Waraa, Aur Upar
Ka Jahaan

Ramna = Ghoomna

Mafhoom :-

Raat Ko Bhi Din Ki Tarah Dekhne Wali Aur Aage Peeche
Yaksa Dekhne Wali, Kastoori Se Bharpoor Hiran Ki Aankhon
Ki Tarah Qudrati Sarmageen Huyi Mere Aaqaa ﷺ Ki Haseen O
Jameel Aankhien Jo Neeche Jhuke To Nigah Tahtussarah
Tak Jaaye Aur Upar Uthe To Nazar Arsh E Mo'alla Se Bhi
Paar Ho Jaaye Un Ba Barkat Aur Noorani Aankhon Ka Apne
Halqo Me Ghoomna Phirna Noor Hi Noor Hain.

7

A a q i l o n U n k i N a z a r S e e d h i R a h e
B a o r o n K a B h i K a a m H o H i J a y e g a

Maani :-

Nazar Seedhi Rahe = Mehrbani Karte Rehna

Baoron = Kam Fehmi, Deewane

Mafhoom :-

Aye Aql Walon! Hum Deewano Ko Haqeer Na Jaano! Sarkar
Ka Karam Hogaya To Hamara Bhi Beda Paar Ho Jayega.

8

Qismat Me Laakh Pech Ho Saubal Hazaar Kaj
Ye Saari Gutthi Ik Teri Seedhi Nazar Ki Hai

Maani :-

Pech = Phere

Bal = Chakkar

Kaj = Tedha Pan

Gutthi = Uljhan

Mafhoom :-

Aye Mere Aaqaa Hamari Qismat Me Sau Qisam Ke Phere,
Laakhon Chakkar Aur Hazaaron Tedhe Pan Sahi Lekin Aap
Ki Nigah E Karam Ke Saamne To Ye Koi Masla Nahi Aap Ki
Ek Seedhi Nigah E Karam Se Qismat Ke Tamaam Tedhe
Khatam Ho Jaayien Ge.

Beeni Mubarak :-

1

Neechi Aankhon Ki Sharm O Haya Per Durood
Oonchi Beeni Ki Rifa'at Pe Laakhon Salaam

2

Beeni Pur Noor Per Rakhshaan Hai Bukkah Noor Ka
Hai Liwa Ul Hamd Per Urta Pharera Noor Ka

Maani :-

Beeni = Naak

Pur Noor = Noorani, Noor Se Bharpoor

Rakhshaan = Chamak Wala

Bukkah = Sho'la

Liwa Ul Hamd = Ta'reef Ka Jhanda

Urta = Lehrata

Pharera = Jhande Ka Kapda

Mafhoom :-

Aap ﷺ Ki Pur Noor Beeni Naak Mubarak Pe Har Waqt Is Tarah
Noor Chamakta Rehta Hain Ke Yun Lagta Hain Jaise Liwa Ul
Hamd Ka Pharera Lehra Raha Hai.

Rukhsar Mubarak :-

1

**Jinke Aage Charaghe Qamar Jhilmilaye
Un A'zaaron Ki Tal'at Pe Laakhon Salaam**

Maani :-

Qamar = Chaand

Jhilmilaye = Tam Tamaaye, Jalna Bhujna

A'zaaron = Rukhsaaron

Tal'at = Chehre Ki Chamak

Mafhoom :-

Mehboob E Rab ﷺ Ke Chehra E Waddhuha Ke Chamak Ke
Saamne To Chaand Bhi Tam Tamata Charagh Sa Ho Jaata Hai
. Us Apne Pyare Aaqa ﷺ Ke Un Noorani Rukhsaaro Ki
Chamak Dhamak Pe Bhi Laakhon Salaam.

2

**Mus'haf Aa'riz Pe Hai Khat E Shafee'a Noor Ka
Lo Siyaa Kaaro Mubarak Ho Qabala Noor Ka**

Maani :-

Mus'haf = Quran

Aa'riz = Rukhsaar

Khat = Lakeer (Daadhi Mubarak Ka Khat)

Shafee'a = Safarish

Siya Kaaron = Aye Gunahgaaron!

Qabala = Tehreer, Ba'i Naama

Mafhoom :-

Chehra E Anwar Ke Rukhsar Mubarak Pe Daadhi Ka Khat
Anwar Gunehgaaron Ko Shafa'at Ki Khush Khabri Suna Raha

Hai Ke Aye Gunahgaaron! Tumhien Shafa'at Ka Ijazat Naama Mubarak Ho.

Daadhi Mubarak Ke Khat Ko Tehreer Ke Khat Ke Saath Pyare Andaaz Me Milaya Gaya Hai.

3

Aab Zar Banta Hai Aa'riz Per Paseena Noor Ka
Mus'haf A'ejaz Per Chadta Hai Sona Noor Ka

Maani :-

Aab = Paani

Zar = Sona

A'ejaz = Mo'jza, Karishma

Mafhoom :-

Rukhsaar Mubarak Per Paseene Ki Khushbo Daar Qatre Aise Chamkte Hain Jaise Sone Ka Paani Chamkta Hain Aur Yun Mehsoos Hota Hai Jaise Us Mo'jza Numa Rukhsaar Per Khaalis Sona Chadha Diya Gaya Hai.

4

Haibat E Aa'riz Se Thartarata Hai Sho'la Noor Ka
Kafshe Paa Per Gir Ke Ban Jaata Hai Gaccha Noor Ka

Maani :-

Haibat = Ro'b Dabdaba

Thartarata = Kaampta

Kafsh = Joota

Paa = Paaun

Gaccha = Guldasta

Mafhoom :-

Chehra E Mubarak Ke Noorani Wa Chamakdar Rukhsar
Mubarak Ki Haibat O Ro'b Se Noor Ka Sho'la Thartarata Huwa
Nalain Pak Per Gir Kar Bosa Leta Hai To Noorani Phoolon Ka
Guldasta Ban Jaata Hai.

5

Naar E Dozakh Ko Chaman Karde Bahar E Aa'riz
Zulmat E Hashr Ko Din Kar De Nahar E Aa'riz

Maani:-

Bahar E Aa'riz = Rukhsaar Ki Ronaq
Zulmat E Hashr = Qiyamat Ka Andhera
Nahaar = Subh E Noor

Mafhoom :-

Sarakar ﷺ Ke Rukhsaar Ki Chamak Aur Ronaq Ki Taab Na La
Kar Jahannum Bhi Gulzaar Ho Jaaye Aur Maidan Mehshar Ka
Andhera Ujala Ho Jaaye.

6

Main To Kya Cheez Hoon Khud Sahib E Quran Ko Shaha
Lakh Mus'haf Se Pasand Aayi Bahar E Aa'riz

Maani :-

Sahib E Quran = Allah Ta'ala Jisne Quran Ko Nazil Farmaya
Mus'haf = Kalam E Ilahi (Yahan Chehra E Mustafa ﷺ Murad
Hai)

Mafhoom :-

Main Kya Hoon Aur Meri Pasand Kis Khaate Me Hai Khud
Khaliq E Husn Ko Ek Laakh Chaubees Hazaar Kam O Besh
Ambiya Kiram Aur Rasoolon Me Sab Se Zyada Aap ﷺ Hi Ka

Rukh E Aqdas Pasand Aaya Tabhi To Rab Ne Waddhuha
Farma Kar Aap ﷺ Ke Chehra E Aqdas Ki Qasam Yaad Farmayi.

7

Tarfa Aa'lam Wo Quran Idhar Dekhien Udhar
Mus'haf E Paak Ho Hairan Bahar E Aa'riz

Maani :-

Tarfa Aalam = Ajeeb O Ghareeb

Mus'haf = Kalam E Ilahi, Rukh E Mehboob

Mafhoom :-

Kaisi Ajeeb Baat Hai Dekho Quran Jo Kalam E Ilahi Hai Jab
Log Sarkar ﷺ Ke Rukh E Anwar Ki Bahaarien Dekhte Hain To
Aap ﷺ Ke Chehra E Aqdas Me Quran Ki Bhi Ziyarath Ho Jaati
Hai Aur Quran Ko Poochien To Wo Bhi Chehra E Anwar Ka
Husn Dekhta Hai.

Dahan Mubarak :-

Wo Dahan Jiski Har Baat Wahi E Khuda
Chashma E Ilm O Hikmat Pe laakhon salaam

Maani :-

Dahan = Munh

Wahi E Khuda = Khudaayi Paigham

Mafhoom :-

Jis Munh Se Nikalne Wali Har Baat Wahi Ka Darja Rakhti
Hain Ilm O Hikmat Ke Us Chashm E Faiz Pe Laakhon Salaam.

2

Jis Ke Paani Se Shadaab Jaan O Janaaa Us Dahan Ki Taravat
P e L a a k h o n S a l a a m

Maani :-

Shadaab = Tar O Taaza

Janaaa = Jannatien

Taravat = Taazgi

Mafhoom :-

Allah Ke Pyaare Mehboob ﷺ Ka Dahan e Aqdas Ki Tari Jaan O
Dil Ke Liye Rahat O Sukoon Aur Taro Taazgi Ka Baais Bhi
Hai.. Mai Apne Aaqa ﷺ Ke Dahan Mubarak Ki Tari Pe Bhi
Laakhon Salaam Bhejta Hoon.

Zaban Mubarak :-

1

Wo Zaban Jisko Sab Kun Ki Kunji Kahe
Uski Naafiz Hukumat Pe Laakhon Salaam

Maani :-

Kun = Hoja

Kunji = Chaabi

Naafiz = Jaari

Mafhoom :-

Sarwar E Do Aalam ﷺ Ki Zaban E Aqdas Taqdeer E Ilahi Ki
Chaabi Hai. Us Zaban E Aqdas Ki Dono Jahaan Balke Poore
Jahaano Ki Jaari Wa Saari Hukoomat Pe Laakhon Salaam.

2

Jisme Nehrien Hai Sheer O Shakar Ki Rawaan
Us Gale Ki Nazarath Pe Laakhon Salaam

Maani :-

Sheer = Doodh

Shakar = Cheeni, Meetha

Rawaan = Jaari

Nazarath = Taazgi, Tari

Mafhoom :-

Sarkar E Madina ﷺ Ke Zaban Mubarak Se Nikalne Wali Pyaari
Aawaaz Me Goya Doodh Aur Shahed Ki Nehrien Jaari Hai.
Mere Aaqa Ke Gale Mubarak Ki Taro Taazgi Per Bhi Laakhon
Salaam.

3

Mai Nisars Tere Kalam Per Mili Yun To Kisko Zubaan Nahi
Wo Sukhan Hai Jisme Sukhan Na Ho Wo Bayan Hai Jiska
Bayaan Nahi

Maani :-

Nisaar = Qurbaan

Sukhan = Baat, Kalam

Sukhan 2 = Ae'teraz

Mafhoom :-

Aye Mere Aaqa ﷺ! Duniya Me Zabaan Daani Aur Waqar Ul
Kalami Ka Malka To Bohat Saare Logon Ko Mila Hai Lekin
Main Aapke Ke Kalam Pe Kyun Na Qurban Ho Jaaun Kyun
Ke Aap ﷺ Ki Har Baat Hi Be Misaal La Jawab Aur Ba Kamaal
Hai, Jahaan Aap ﷺ Bol Gaye Wahan Bade Badon Ne Sar E
Tasleem Karliya Aur Ae'teraz Karne Ki Gunajaish Na Rahi
Aapke Bayan Ka Aisa Bayan Hai Ke Koi Iska Kya Bayan Kar
Sake.

Labhaaye Mubarak :-

1

Patli Patli Gul E Quds Ki Pattiyan
Un Labon Ki Nazakat Pe Laakhon Salaam

Maani :-

Gul E Quds = Baagh E Jannat Ka Nikhra Huwa Phool

Nazakath = Khoobi, Naazuk Pan

Mafhoom :-

Mehboob E Khuda ﷺ Ke Patle Patle Hont Goya Gulshan E
Taqdees Ke Muqaddas Phool Ki Naram O Naazuk Pattiyan Mai
Apne Aqa ﷺ Ke Mubarak Labon Ki Nazakat Pe Ek Nahi
Laakhon Salaam Bhejta Hoon.

2

Bazm E Qudsi Me Hai Yaad Lab E Jaan Bakshien Huzoor
Aalam Noor Me Hain Chashma Haiwaan E A'rab

Maani :-

Quds = Paak

Lab E Jaan Bakshien = Jaan A'ta Karne Wale Hont

Aalam Noor = Noorani Jahaan

Chashma Haiwaan = Aab E Hayaat

Mafhoom :-

Mere Aqa ﷺ Ke Zindagi Ata Karne Wale Honton Ka Tazkira
To Farishte Apni Noori Mehfilon Me Karte Hain Aur Aap ﷺ Ke
Daish Arab Ka Paani Bhala Koi Aab E Hayat Se Kam Asar
Rakhta Hai.

3

Dandaan O Lab O Zulf O Rukh E Shah Ke Fidaayi
Hai Dar A'dan, Laa'l Yaman, Mushk E Khatan Phool

Maani :-

Dandaan = Daant

Shah = Baadshah Yaani Huzoor ﷺ.

Fidaayi = Aashiq, Fida Hone Wala

Dar A'dan = A'dan Ke Moti

La'al Yaman = Yaman Ki Surkh La'al

Mushke Khatan = Khalis Kastoori

Mafhoom :-

Hamare Aaqaa ﷺ Wo Hain Ke Jin Ke Dandaan Mubarak Pe Adan
Ke Moti Nisar, Labhaaye Mubarak Pe La'al Yaman (Surkh
Rang Ka Qeemti Sehra) Qurban, Zulf Mo'jiza Pe Khaalis
Mushk Fidaa Aur Chehra E Munawwar Pe Phool Jaan Chidakte
Hain.

4

Wo Gul Hai Lab Haaye Naazuk Unke Hazaaro Jhadte Hain
Phool Jinse
Gulab Gulshan Me Dekhe Bulbul Ye Dekh Gulshan Gulab Me
Hain

Maani:-

Gul = Phool

Labhaaye = Honton

Gulshan = Baagh

Mafhoom :-

Aaqaa E Do Jahaan ﷺ Ke Labhaaye Mubarak Bhi Kaise Ajeeb
Shaan Rakhte Hain, Gulab Se Bhi Zyada Narm O Nazuk , To

Aye Bulbul! Tu Ne Bohat Dekhein Hongey Lekin Zara Idhar
Bhi Dekh Tujhe Ajeeb Nazara Dikhaayi Dega Ke Saara
Gulshan Hi Hamare Aaqā ﷺ Me Samaya Huwa Hai.

Dandaan E Mubarak :-

1

**Jis Ke Gucche Se Lacche Jharien Noor Ke
Un Sitaaron Ki Nuzhath Pe Laakhon Salaam**

Maani :-

Gucche = Kisi Shay Ki Kasrat Wa Majmua', Ek Hi Shaakh Pe
Bohat Saare Phool

Lacche = Musalsal

Nuzhath = Chamak Wa Pakeezgi

Mafhoom :-

Aap ﷺ Ke Noorani Sacche Motiyo Ki Ladi Jaise Daant
Mubarak Jin Se Noor Ki Kirnien Bahar Aati Hai Aur Galiyan
Wa Bazaar Roshan Ho Jaate Hain Un Chamakdar Sitaaron Ki
Pakeezgi Aur Khoobi Pe Laakhon Salaam.

2

**Khirman Dil Pe Jo Girti Hai Tadap Kar Bijli
Mutahir Ho Ke Chamka Dar Dandaan Kis Ka**

Maani :-

Khirman = Kaliyan Gullah Ka Zakheera

Mutahir = Hairaan

Dar Dandaan = Daanto Ka Moti

Mafhoom :-

Ye Kis Ke Motiyon Jaise Chamakdaar Daanton Ki Roshni Hai
Jo Dil Pe Bijli Ki Si Chamak Aur Nooraniyat Gira Rahi Us Ke
Noor Ke Saamne Aankhien Khair Aur Dil Hairaan Hai.

Tabassum Mubarak :-

1

Jis Ki Taskeen Se Rote Huwe Hans Pade
Us Tabassum Ki Aa'dat Pe Laakhon Salaam

Maani :-

Taskeen = Tasalli

Tabassum = Muskurahat

Aa'dat = Khaslat Wa Ma'mool

Mafhoom :-

Koi Jitna Bhi Gham Aur Pareshaani Me Kyu Na Ho Jab Aap ﷺ Ki Bargah Se Us Ko Tasalli Mil Jaati Hain To Wo Rota Huwa Khush Ho Kar Hansne Lag Jaata. Hamare Aaqa ﷺ Ki Hamesha Muskurane Ki Aadat Pe Bhi Lakakhon Salaam.

2

Manzil Kadi Hain Shaan E Tabassum Karam Kare
Taaron Ki Chaaon Noor Ke Tadke Safar Karien

Maani :-

Manzil Kadi = Safar Bada Mushkil

Shaan E Tabassum = Muskurahat Ki Shaan

Tadke = Subah Girane Wala

Mafhoom :-

Aye Mere Aaqa ﷺ Duniya Aur Aakhirat Ke Manazil Ko Tay Karna Hamare Liye Bohat Mushkil Hogaya Hai. Baraye Karam Tabassum Rez Honton Se Ek Baar Muskurahat Ka Noor Zahir Farmaye Ta Ke Masaib Ke Andhera Chat Jaayien Aur Noor Ke Ujale Har Taraf Phail Jaaien Ta Ke Us Noor Ke Ujale Me Safar Karna Aasan Ho Jaaye.

Daadi Mubarak :-

1

Khat Ki Gird Dahan Wo Dil Aara Phaban
Sabzah e Nehr E Rehmat Pe Laakhon Salaam

Maani :-

Khat = Daadhi Mubarak

Gird Dahan = Munh Ke Ird Gird

Dil Aara = Dil Ko Bhaayi

Sabzah = Haryali

Mafhoom :-

Hamare Aaga ﷺ Ke Chehra E Anwar Pe Pur Noor Daadhi
Mubarak Ka Khat Aise Dikhai Deta Hai Jaise Rahmat Ki
Nehar Pe Noor Ka Sabzah Aashiqon Ke Dil Kheenchna Hai.
Aap ﷺ Ki Daadhi Mubarak Pe Bhi Laakhon Salaam

2

Reesh E Khush Mu'tadil Marham E Resh E Dil
Haalah E Maah E Nudrat Pe Laakhon Salaam

Maani :-

Reesh = Daadhi

Mu'tadil = Darmiyani

Resh = Imalah Kaisa The (Zakhm)

Haalah = Chaand Ke Gird Daairah

Nudrat = Anokha Pan

Mafhoom :-

Aap ﷺ Ki Khushnuma Aur Khubsoorat Daadhi Mubarak
Usshaqaane Mustafa ﷺ Ke Zakhmi Dilon Pe Marham Ka Kaam

De Rahi Hai Aur Chaudvi Raat Ke Chaand Ke Ird Hird Us
Ajeeb Qism Ke Noorani Daaire Per Bhi Laakhon Salaam Ho.

Chehra E Anwar :-

1

**Chaand Se Munh Pe Taaban Daraksha Durood
Namak Aagi Sabahat Pe Laakhon Salaam**

Maani :-

Chaand Se = Chaand Jaise

Taaban = Chamakdar

Darakhsaan = Roshan

Namak Aagi = Namak Bhari

Sabahat = Gorapan

Mafhoom :-

Hamare Aaqa ﷺ Ke Chaand Se Bhi Zyada Khubsoorat Chehra
E Anwar Pe Noor Wala Durood E Rahmat Ho Aur Aap ﷺ Ki
Namkeen Husn O Jamal Pe Laakhon Salaam.

2

**Shabnam Bagh E Haq Yaa'ni Rukh Ka A'raq
Us Ki Sacchi Baraqat Pe Laakhon Salaam**

Maani :-

Rukh = Chehra E Waddhuha

A'raq = Paseena

Baraqat = Chamak Dhamak

Mafhoom :-

Allah Ta'ala Ke Gulshan E Quds Ki Awas Aur Shabnam Dekhti
Hain To Rukh E Waddhuha Ka Mo'ambar Paseena Tak Lo,
Hum To Us Paseene Ki Chamak Dhamak Pe Bhi Laakhon
Salaam Bhejte Hain.

3

**Shama' Dil Mishkat Tan Seena Zajaaja Noor Ka
Teri Soorat Ke Liye Aaya Hai Soora Noor Ka**

Maani :-

Shama' = Mo'am Batti

Mishkat = Charaagh Rakhne Ki Jagah

Tan = Jism

Zajaaja = Sheeshe Ki Chamni

Soorat = Shakal, Tasweer

Soorah Noor = Qurani Ki Surah Noor

Mafhoom :-

Surah Noor Ki Aayat Me Lafz Noor Se Murad Huzoor ﷺ Ka Dil Hai (Allah Ta'ala Ko Noor Ba Maa'ni Munawwar Kaha Jaata Hai) Aur Mishkat Se Murad Sarkar ﷺ Ke Jism Mo'attar Aur Seena E Aqdas Zajaaja (Sheeshe Ke Chamni) Hai Aisa Lagta Hai Ke Sarkar ﷺ Ka Sarapa Bayan Karne Ke Liye Hi Allah Ta'ala Ne Surah Noor Naazil Farmayi Hai.

4

**Wasf Rukh Gaati Hain Hoorien Tarana Noor Ka
Qudrati Beeno Me Kya Bajta Hai Lehra Noor Ka**

Maani :-

Wasf Rukh = Chehre Ki Tareef

Beeno = Jama' Been Ke (Sapeeron Ka Baaja Jo Munh Se Bajaate Hain)

Lehra = Naghma, Soor

Mafhoom :-

Sarkar ﷺ Ke Chehra E Anwar Ki Tareef Me Jannat Ki Hoorien Noor Ka Tarana Gaa Rahi Hai Aur Qudrati Beeno (Noor Ke

Sooron Se) Kya Khoob Noorani Naghmon Ke Lehrien Uth Rahi Hain.

5

Dekhne Walon Ne Kuch Dekha Na Bhaala Noor Ka
Man Ra aa Kaisa ? Ye Aayina Dikhaya Noor Ka

Maani :-

Dekha Na Bhaala = Jaanch Padt al Na Ki

Man Ra aa = Jis Ne Mujhe Dekha (Hadees Shareef Ka Hissa Hai)

Mafhoom :-

Dekhne Walon Ko To Huzoor ﷺ Ek Insan Hi Nazar Aaye Kyun Ke Aap Bashari Libaas Me Jalwa Gar Huye The Is Liye Unho Ne Koi Jaanch Padtaal Na Ki, Lekin Aap ﷺ Ne Man Ra'aani Qadral Haq, Jisne Mujhe Dekha Us Ne Haq Dekha. Ka Sheesha Dikha Kar Apne Noor Ka Sikka Farsh Per Bitha Diya.

6

Waz'e Waaze' Mein Teri Soorat Hai Ma'ana Noor Ka
Yun Majazan Chaahien Jisko Kehdien Kalma Noor Ka

Maani :-

Waz'e Waaze' = Banane Wale Ki Banavat

Ma'ana = Murad, Maqsad

Yun = Aise

Majazan = Murad Lena, Farz Kar Le Na

Mafhoom :-

Aye Mere Noor Wale Aaqa ﷺ! Aap Ke Banane Wale Ne Aap ﷺ Ki Shakal O Soorat Ko Noor Ka Bhi Khulasa Banaya Hain. Majazan To Har Shay Pe Noor Ka Itlaq Ho Sakta Hain

Magar Aap ﷺ Ki To Haqeeqat Ko Allah Ne Khud Apne Noor Ke Jalwe Se Banaya Hai. Isliye Haqeeqi Shifa Aur Haqeeqi Najat Aap ﷺ Hi Ke Daaman Se Wabastgi Se Mile Gi. Aur Roshni Me Dil Ko Itminaan Bhi Aap ﷺ Hi Ke Zikr Se Milta Kyun Ke Aap ﷺ Sarapa Zikr E Khuda Hai.

7

**Kaaf Gesu Haa Dahan Ya Abru Aankhien A'in Saad
KaafHaaYaaA'inSaad Unka Hai Chehra Noor Ka**

Maani :-

Gesu = Zulfien

Dahan = Munh

Abru = Bhavien

KaafHaaYaaA'inSaad = Huroof E Muqatta'at Surah Maryam
Ki Shuru Me

Mafhoom :-

Kaaf Se Murad Huzoor ﷺ Ki Kundal Wali Zulfien Hain, Haa Munh Ki Tarah Gol Hoti Hain Us Se Mere Aqa ﷺ Ka Dahan Mubarak Murad Hai, Ya Ki Shakl Abru Jaisi Hoti Hain Is Se Huzoor ﷺ Ki Bhavien Dikhaayi Deti Hain Aur A'in ' Saad' Jin Ki Shakal Aankh Se Milti Hain Ye Huzoor ﷺ Ki Aankhon Ki Taraf Ishara Hai Jin Aankho Ne Khuda Ko Bhi Dekha Aur Saari Khudaayi Ko Bhi Dekha. Goya KaafHaaYaA'inSaad Se Huzoor ﷺ Ka Rukh E Waddhuha Bayan Kiya Gaya Hai. Ye Ek Aashiqana Tabeer Hain Huroof E Muqatta'at Ki.

8

**Aankh Khursheed Qiyamath Ki Jhukne Lagi
Parda Afgan Huwa Ye Chehra Tabaan Kis Ka**

Maani :-

Khursheed = Sooraj

Jhukna = Aankh Ko Kholna Band Karna

Afgan = Afgandan Se Bharna, Daalna

Taaban = Roshan

Mafhoom :-

Ye Kis Ne Chehre Per Parda Daal Diya Hai Ke Qiyamat Ka Sooraj Bhi Aankhien Kabhi Band Karta Hain Kabhi Kholta Hai. Yaani Us Ki Tapish Me Kami Aarahi Hain.

9

To'ti Sidrah Wasf Rukh E Paak Me
Gulfashaan, Gulfasaahn, Gulfashaan Hogaya

Maani :-

To'ti Sidrah = Hazrath Jibraeel A.s, Sidrah Tul Muntaha Pe Allah Ki Tasbeeh Karne Wale Faseeh Wa Khush Guftaar

Wasf = Tareef

Rukh = Chehra

Gulfashaan = Phool Bhikarne Wala, Acchi Guftgoo Karne Wala

Mafhoom :-

Sirf Insaan Hi Nahi Balke To'ti E Sirdah Tul Muntaha Hazrath Jibraeel As Bhi Apni Noor Wali Meethi Zabaan Se Badi Wazahat O Fasahat O Balaghat Ke Saath Hamare Noor Wale Aaqa ﷺ Ke Ausaaf Bayan Kar Ke Phool Bikhari Rahe Hain.

10

Kya Theek Ho Rukh E Nabvi Per Misal E Gul
Paamal Jalwae Kafe Pa Hai Jamaal E Gul

Maani :-

Rukh E Nabvi = Chehra E Mustafa ﷺ

Misal E Gul = Phoolo Ki Tarah

Paamal = Tabaah Haal

Jalwa Kafe Pa = Paaon Ke Talwo Ki Chamak

Jamaal E Gul = Phoolo Ka Husn

Mafhoom :-

Nabi E Akram ﷺ Ke Chehra E Aqdas Pe Phool Ki Misal Kaise Saadiq Aa Sakti Hain Kyun Ke Phool Ka Husn O Jamal To Aap ﷺ Ke Paaon Ki Talwo Ki Khairat Hai Phir Us Rukh E Waddhuha Pe Kyun Kar Fit Kiya Ja Sakta Hain.

11

Jannat Hai Unke Jalwe Se Jo Yaaye Rang O Boo
Aye Gul Hamare Gul Se Gul Ko Sawal E Gul

Maani :-

Ja Yaaye = Mutalaashi

Aye Gul = Aye Phoolon Murad Hai Aye Husn Walo!

Sawal = Talab

Gul = Khubsoorti Murad Hai

Mafhoom :-

Aye Gulab Ke Khubsoorat Phoolon! Hamare Aaqa ﷺ Ke Jalwo Ka Rang Aur Khusbo To Jannat Bhi Maang Rahi Hain, Tujhe Bhi Chaahiye Ke Huzoor Ki Bargah Se Husn Ka Sawal Kare.

12

Boo Ho Ke Nihaan Hogaye Taab Rukh E Shah Mein
Lo Ban Gaye Ab To Haseeno Ke Dahan Phool

Maani :-

Boo = Mehak

Nihaan = Posheeda

Taab = Chamak

Dahan = Munh

Mafhoom :-

Hamare Aaqa ﷺ Ki Bargah Me Tamam Haseenana E Aalam Ke Husn O Jamal Gum Hokaar Reh gaye Aur Unke Dahan Jo Apni Jagah Phool Ki Mehak Rakhte The Jab Mehboob E Khuda ﷺ Ke Noorani Chehre Ke Saamne Aaye To Mehak Ke Bajaye Garam Hawa Ka Manzar Pesh Karte Dikhaayi Dete Hain.

13

Rukh Din Hai Ya Mehr E Sama Ye Bhi Nahi Wo Bhi Nahi
Shab Zulf Ya Mushk E Khata Ye Bhi Nahi Wo Bhi Nahi

Maani :-

Rukh = Chehra

Mehr E Sama = Aasman Ka Sooraj

Shab = Raat

Mushk E Khata = Khalis Kastoori

Mafhoom :-

Mai Apne Pyare Nabi ﷺ Ke Chehra Ko Din Kahun Ya Aasman Ka Sooraj Lekin Sooraj Ko Bhi Roshni To Mehboob ﷺ Ke Rukh E Waddhuha Se Mili Aur Din Ka Ujala Bhi Aaqa ﷺ Ke Husn Ka Jalwa Hai Hai Lihaza Ye Bhi Huzoor ﷺ Ka Jaisa Ho Sakta Nahi Wo Bhi Ho Sakta Nahi. Sarkar Ke Zulfon Ko Raat Kaha Jaaye Ya Khalis Kastoori Lekin Ye Bhi Mera Khayal Hai Ghalat Hain Kyu Ke Raat Ki Tareeki Aur Kastoori Ki Khushboo Bhi Huzoor ﷺ Ki Zulfon Ka Faiz Hai Lihaza Ye Bhi Nahi Wo Bhi Nahi.

14

Khursheed Tha Kis Zor Per Kya Badh Ke Chamka Tha Qamar
Be Parda Jab Wo Rukh Huwa Ye Bhi Nahi Wo Bhi Nahi

Maani :-

Khursheed = Sooraj

Qamar = Chaand

Mafhoom :-

Sooraj Apni Poori Aab O Taab Ke Saath Tuloo' Huwa Aur
Saare Jahaan Ko Roshan Kardiya, Chaand Apni Tamaam Tar
Jalwo Ke Saath Chamka Aur Saari Duniya Ko Baqiya Noor
Bana Diya Magar Jab Rukh E Waddhuha Se Niqab Uthaa To
Chaand Ki Chamak Rahi Na Sooraj Ki Dhamak. Dono Ne
Sharminda Ho Kar Munh Chupa Liya Aur Mehboob E
Khuda ﷺ Ke Husn O Jamal Ke Aage Apna Sar E Tasleem Kham
Kar liya.

15

Hay Gul E Baagh E Quds Rukhsar Zebaaye Huzoor
Sar O Gulzar E Aur Qidam Qaamat Rasoolullah Ki

Maani :-

Gul E Baagh E Quds = Taqdees (Ilahi) Ka Phool

Rukhsaar E Zeba= Khubsoorat Gaal

Sar O Gulzar Qidam = Qadeem (Sifa't Khudawandi) Bagh Ka
Jalwa (Sifa't E Ilahi Ka Jalwa)

Qaamat = Qad E Anwar

Mafhoom :-

Mere Aaqaa ﷺ Ka Chehra E Anwar Paakeezgi Ke Azeem o
Shaan Gulistan Ka Chamakta Huwa Taaza Phool Hai Aur Aap
Ka Qad E Anwar Qadeem Ke Haseen Baagh Ka Jalwa Hai.

16

Utaar Kar Unke Rukh Ka Sadqa Wo Noor Ka Bat Raha Tha
Baada
Ke Chaand Taare Machal Machal Ka Jabeen Ki Khairat
Maangte They

Maani :-

Rukh = Chehra

Bat Raha Tha = Taqseem Ho Raha Tha

Baada = Sadqa, Khairat

Machal Machal Kar = Zid Kar Ke, Takraar Se

Jabeen = Peshani

Khairat = Bheek

Mafhoom :-

Aur Aise Lag Raha Tha Ka Allah Ne Saare Jahaan Ke Nooron
Ko Hukum De Rakha Tha Ke Agar Aaj Tum Ne Barasna Hai
To Is Noorul Anwar Pe Barso) Is Noor Ke Mamba' O Markaz
Ke Chehre Aqdas Ki Nichawar Tamam Nooron Me Noor Ki
Khairat Baanti Jaa Rahi Thi Chaand Aur Sooraj Ka Haal Ye
Tha Ke Ba Wajood Is Qadar Chamak Hone Ke Machal Machal
Kar Sarkar ﷺ Ke Peshani Ki Khairat Maangte The.

Gardan Mubarak :-

1

**Tumhari Sharm Se Shaan Jalal E Haq Tapakti Hai
Kham Gardan Hilaal Aasmaan Zuljalaali Hai**

Maani :-

Shaan Jalal E Haq = Allah Ke Jah O Jalal Ki Shaan

Tapakti Hai = Tapkana Ba Ma'ana Qatra Qatra Girna

Kham Gardan Hilaali = Pehli Raat Ke Chaand Ki Gardan Ka
Jhukaau

Zuljalaali = Buzurgi Wale Ki

Mafhoom :-

Aye Mere Aaqa ﷺ Aap Ke Sharm O Haya Se Jalal E Khuda
Wandi Ki Shaan Tapak Rahi Hai Aur Aap ﷺ Ki Gardan Mo'alla
Ke (Sharm O Haya Aur Izzat O Waqar Magar Aajizi Aur
Inkesasri Ke Saath) Jhukao Se Yun Lagta Hain. Ke Zuljalaal
Wale Rab Ke Aasmaan Per Pehli Raat Ka Chand Chamak Raha
Hai Jo Ke Baarek Aur Kham Hota Hai.

Kandhe Mubarak :-

1

**Dosh Bardosh Hai Jin Se Shaan E Sharaf
Aise Shaano Ki Shaukath Pe Laakhon Salaam**

Maani :-

Dosh = Siyaah Zulfien

Bar Dosh = Kandhe Per

Sharaf = Buzurgi

Shaano = Kandhon

Mafhoom :-

Hamare Aaqa ﷺ Ke Kandhon Per Jhuki Huyi Khushboo Daar
Aur Noorani Zulfien Aur Aap ﷺ Ki Mubarak Kandhon Ki Shaan
O Shaukath Pe Laakhon Salam.

2

**Hai Dosh Nabi Kaan Safaa Salle A'la
Khatim Hai Lataafat Pe Gawah Salle A'la**

Maani :-

Dosh = Kandha

Kaan = Zakheera

Safaa = Safaayi Wa Paaakeezgi

Salle A'la = Aap ﷺ Per Rehmat Ho

Khatim = Mohr E Nabuwwat

Lataafat = Narmi

Mafhoom :-

Hamare Aaqa ﷺ Ke Kandhe Hain Ya Taharat O Safayi O
Suthraayi Ke Kaan (Zakheera) Hai Aap ﷺ Per Allah Ta'ala Ki

Rahmat Ho .Aap ﷺ Ki Pusht E Anwar Per Mohr E Nabuwwat
Aap ﷺ Ke Jism E Aqdas Ke Lataafato Pe Gawah Hai.

Pusht Mubarak :-

1

R o o y e A a y e n a P u s h t I l m E H u z o o r
P a s h t i Q a s r E M i l l a t P e L a a k h o n S a l a a m

Maani :-

Rooye = Chehra

Pusht = Kamar

Pashti = Nigehbaani

Qasr = Mahal

Mafhoom :-

Aap ﷺ Ka Chehra E Anwar Agar Ilm Ke Aayena Hai To Pusht Mubarak Bhi Be Khabar Nahi Balke Pusht Ke Saath Bhi Ummat Ke Mahal Ki Nigehbaani Farma Rahe Hain Us Pusht Mubarak Ki Us Lajpaal Aur Nigehbaani Wa Qasr E Millat Pe Laakhon Salaam.

Mohr E Nabuwwat :-

1

H a j r E A s w a d K a a b a J a a n O D i l
Ya'ani Mohr E Nabuwwat Pe Laakhon Salaam

Maani :-

Hajr E Aswad = Kaala Patthar (Jo Deewar E Kaaba Me Nasb Hai)

Mohr E Nabuwwat = Aap ﷺ Ke Pusht E Anwar Per Mohr Ka Nishaan

Mafhoom :-

Aap ﷺ Ke Pusht E Anwar Per Mohr E Nabuwwat Goya Hajr E Aswad Hai Jo Hamari Jaano Hamare Dilon Ke Ka'aba Mohammed Mustafa ﷺ Ke Jasad E Athar Me Nasb Hai Jis Tarah Hajr E Aswad Ka'abe Me Nasb Hai. Us Mohre Nabuwwat Pe Bhi Laakhon Salaam.

Baazu Mubarak :-

1

**Jisko Baare Do Aalam Ki Parwah Nahi
Aise Baazu Ki Quwwat Pe Laakhon Salaam**

Maani :-

Baar = Bojh

Do Aalam = Dono Jahan (Duniya O Aakhirat)

Mafhoom :-

Hamare Aaqaa ﷺ Ke Baazuon Me Kitni Quwwat Thi Ke Aap ﷺ Ne Dono Jahaano Ka Bojh Utha Liya Hai Aur Aap ﷺ Ko Parwah Tak Nahi (Aur Chehre Pe Har Waqt Muskurahat Taari Hoti Hai) Un Mubarak Baazuon Pe Bhi Laakhon Salaam.

2

**Kaa'ba Deen O Imaan Ke Dono Sutoon
Sa'edeen E Risalat Pe Laakhon Salaam**

Maani :-

Sa'edeen = Kaaliyan, Baazu

Mafhoom :-

Hamare Aaqaa ﷺ Jo Hamare Imaan Ke Qibla O Ka'aba Hai Aap ﷺ Ke Baazu Mubarak Jo Ke Goya Imam Ul Ambiya ﷺ Ki Nabuwwat O Risalat Ke Dono Sutoon Hai Un Per Bhi Laakhon Salaam.

Dast (Haath) Mubarak :-

1

Haath Jis Taraf Utha Ghani Kar Diya
Mauj Behr E Samahat Pe Laakhon Salaam

Maani :-

Ghani = Maaldaar

Mauj = Lehar, Josh

Behr = Samandar

Samahat = Jood O A'taa

Mafhoom :-

Aap ﷺ Ka Dast E Mubarak Jis Taraf Uth Gaya Jood O Ata Se
Maala Maal Kardiya. Jood O Ata Ke Samandaro Ki Us Lehar
Haath Pe Laakhon Salaam

2

Jis Ke Har Khat Me Mauj Noor Karam
Us Kaf Behr E Himmat Pe Laakhon Salaam

Maani :-

Khat = Naqsh

Mauj = Lehar

Kaf = Hatheli

Behr = Samandar

Mafhoom :-

Kayi Mauqon Per Sarkar E Madina ﷺ Ki Ungliyon Se Paani Ke
Chashmo Ke Jaari Hona Kahi Ahadees Se Saabit Hai. Us Dast
E Mubarak Ki Azmat Pe Laakhon Salaam.

3

**Hai Lab E Eesa Se Jaan Bakhsi Niraali Haath Mein
Sang Reze Paate Hain Sheeri Maqali Haath Mein**

Maani :-

Lab E Eesa = Hazrath E Eesa A. S Ke Hont Mubarak

Jaan Bakshi = Jaan Ata Karne Ki Sifa't

Niraali = Anokhi

Sang Reze = Chote Chote Patthar

Sheeri Maqali = Meethe Bol, Umda

Mafhoom :-

Be Shak Eesa A.S Ka Murdo Ko Zinda Farmana Anokhi Shaan
Hai Magar Hamare Aaqa ﷺ Ke Haath Me Us Se Bhi Zyada
Niraal O Kamal Hai Jo Eesa A. S Ke Honton Me Tha Ke Wo
Bi Iznillah Keh Kar Murda Zinda Kar Dete The Aur Hamare
Aaqa ﷺ Ne To Pattharon Ko Bhi Kalma Padha Diya.

4

**Kya Lakeeron Me Yadullah Khat Sar O Aasaa Likha
Raah Yun Us Raaz Likhne Ki Nikali Haath Mein**

Maani :-

Yadullah = Allah Ka Haath , Khudaayi Taqath

Khat = Likha Huwa

Sar O Aasaa = Saro Ke Darakht Ki Tarah Seedha

Raaz = Bhed, Khufiya Baat

Mafhoom :-

Aap ﷺ Ke Yadullah Ki Shaan Wale Noorani Aur Gore Gore
Chamakdar Aur Khushboodaar Haatho Me Sar O Ki Tarah
Seedhi Lakheerien Goya Qudrat Ke Raaz Hai Jin Ko Allah Ne
Lakheero Ke Andaz Me Likha.

5

Malik E Konain Hai Go Paas Kuch Rakhte Nahi
Do Jaahan Ki Naimatien Hain Unke Khaali Haath Mein

Maani :-

Konain = Dono Jahaan

Mafhoom :-

Mere Aaqā ﷺ Ki Shaan O Azmath Ka Aalam Ye Hai Ke Do
Jahano Ke Malik Ho Kar Phir Bhi Khaali Haath Rehte Hain
Lekin Un Khaali Haatho Se Hi Sab Ki Jholiyaan Bhari Jaati
Hain.

Ungliyan Mubarak :-

1

Noor Ke Chashme Lehrien Darya Bahien
Ungliyo Ki Karamat Pe Laakhon Salaam

Maani :-

Bahien = Jaari Ho

Karamat = Izzat, Anokhi Khoobi

Mafhoom :-

Kayi Mauqe Per Sarkar E Madina ﷺ Ki Ungliyo Se Paani Ke Chashmo Ka Jaari Hona Kahi Ahadees Se Saabit Hai.. To Un Ungliyo Ki Bulandi Izzat Pe Bhi Laakhon Salaam Jisse Lehrien Jaari Hote Hain.

2

Chand Jhukta Jidhar Ungli Uthate Mehd Me
Kya Hi Chalta Tha Ishaaro Per Khilona Noor Ka

Maani :-

Mehd = Godh

Kya Hi = Kya Umda Khoob

Mafhoom :-

Aala Hazrath Bata Rahe Hain Ke Hum Mitthi Ke Bane Huwe Hain To Hamare Walidain Humien Bachpan Me Mitthi Ke Khilone La Kar Diya Karte Hain Aur Huzoor ﷺ Noor Hain To Allah Ne Aap Ko Khilona Bhi Noor Ka Ata Farmaya Hai. Jab Bachpan Me Godh Me Mere Aaqa ﷺ Jidhar Ishara Karte Chaand Bhi Udhar Jhuk Jaata Tha.

3

Teri Marzi Pa Gaya Sooraj Phira Ulte Qadam
Teri Ungli Uth Gayi Mah Ka Kaleja Chir Gaya

Maani :-

Marzi = Khwaish

Ulte Qadam Phirna = Us Raaste Se Wapis Hona

Mah = Chaand

Chir Gaya = Phat Gaya

Mafhoom :-

Aap ﷺ Ki Marzi Se Sooraj Dubara Palat Aagaya Aur Aap ﷺ Ke Mubarak Ungli Ke Ishaare Se Chaand Bhi Phat Gaya.

4

Ungliyaan Paayi Wo Pyaari Jin Se Darya E Karam Hai Jaari
Josh Per Aati Hain Jab Gham Khwaari Tishn E Sairaab Huwa
Karte Hain

Maani :-

Josh = Joban

Gham Khwari = Hamdardi

Tishne = Pyaase

Sairab = Bharpoor

Mafhoom :-

Hamare Aaqa ﷺ Ke Narm O Nazuk Aur Pyaari Pyaari Ungliyaan Kis Qadar Shaan Rakhti Hai Ke Un Se Karam Ka Darya (Paani Ke Chashme) Jaari Hote Aur Jab Aaqa ﷺ Apne Ghulamon Pe Meherban Ho Jaaye To Un Pyaaso Ko Usi Panjab E Rehmat Se Sairaab Farma Dete Hain.

5

Barq Angushte Nabi Chamki Thi Us Per Ek Baar
Aaj Tak Hai Seena E Mah Me Nishan E Sokhta

Maani :-

Bar Angushte Nabi = Huzoor ﷺ Ki Ungli Ka Noor
Seena E Mah = Chaand Ka Seena

Mafhoom :-

Habeeb Yamni Aur Kuffar Ke Mutalbe Per Aap ﷺ Ne Roshan
Chand Per Ek Hi Baar Apni Ungli Ki Bijli Giraayi Thi. Aaj Tak
Uske Seene Pe Jala Huwa Nishaan Maujood Hai.

Seena E Aqdas :-

1

Rafa'ye Zikr E Jalalat Pe Arfa' Durood
Sharah Sadr E Sadarat Pe Laakhon Salaam

Maani :-

Rafa'e = Buland Hona

Jalalat = Azmat Wa Buzurgi

Arfa' = Bohat Buland

Sharah = Khulna

Sadr = Seena

Sadarat = Sadr Nasheen

Mafhoom :-

Waraf'ana Laka Zikrak Ki Shaan Wale Aaqaa ﷺ Ke Zikr E
Khair Ki Bulandiyo Pe Buland O Bala Durood Aur Alam
Nasrah Laka Sadrak Ki Shaan Wale Do Jahan Ke Sadr ﷺ, Ki
Sharah Sadro Wale Seene Pe Laakhom Salaam.

Qalb Mubarak :-

1

Dil Samajh Se Wara Hai Magar Yun Kahun
Guncha E Raaz E Wahdat Pe Laakhon Salaam

Maani :-

Wara = Buland O Bala

Guncha = Kali

Raaz S Wahdat = Tauheed E Khudawandi Ka Bhed

Mafhoom :-

Dil Ki Shaan Mai Kya Bayan Karun Kyun Ke Dil To Tamam
Aa'za Se Waise Hi Afzal Hota Hain Phir Huzoor ﷺ Ka Dil
Allahu Akber, Meri Samajh Se Wara Aur Bas Ek Andaza Sa
Hai Ke Allah Ta'ala Ke Raaz Haaye Sarbasta Ka Ek Azeem Us
Shaan Khazana Hai. Us Dil Per Bhi Laakhon Salaam Ho.

Shikam Mubarak :-

1

Kul Jahan Milk Aur Jo Ki Roti Ghiza
Us Shikam Ki Qana'at Pe Laakhon Salaam

Maani :-

Kul Jahan = Saari Kaayenat

Milk = Qabza

Shikam = Pait

Qana'at = Thodi Shay Per Khush Rehna

Mafhoom :-

Saara Jahaan Jinki Milkiyyat Aur Ikhtiyaar Me Hain Un Ki
Apni Ghiza Ka Aalam Ye Hai Ke Jo Ke Roti Pe Guzara Kar
Rahe Hain Main Aap ﷺ Ke Shikam E Athar Ki Qana'at Pe Bhi
Laakhon Salam Bhejta Hoon.

Kamar Mubarak :-

1

Jo Ke A'zme Shaf'at Pe Kheenchn Kar Bandhi
Us Kamar Ki Himayat Pe Laakhon Salaam

Maani :-

A'zm = Pukaaradah

Kheenchn Kar = Mazbooti Se

Himayat = Hamdardi

Mafhoom :-

Hamare Aaqa ﷺ Ne Shaf'at Ki Peeti (Azm E Shaf'at) Apni
Kamar Pe Bohat Mazbooti Ke Saath Baandhi Hai, Har Soorat
Me, Aap Gunahgaaron Ko Zaroori Hai Shaf'at Farmaiengay Us
Pusht Anwar Ki Pusht Panahi Aur Ummat Ki Khair Khwahi
Per Laakhon Salaam.

Zaanu Mubarak :-

1

**Ambiya Tay Kareien Zaanu Unke Huzoor
Zaanuon Ki Wajahat Pe Laakhon Salaam**

Maani :-

Tay Kare Zaanu = Adab O Ehtheram Se Do Zaanu Ho Kar
Baithein (Yaani Aap Se Faiz Le)

Wajahat = Ro'ab O Izzat

Mafhoom :-

Jis Bargah Me Nabi O Rasool Bhi Baraye Istefaza Bade Hi
Mo'ddab Ho Kar Do Zaanu Baith Te Hain Mai Us Nabi Ke
Mubarak Zaanuon Pe Bhi Laakhon Salaam Bhejta Hoon.

Pindliyaan Mubarak :-

1

Saaq Asl Qadam Shaakh E Nakhl E Karam
Shama' Raah E Asabat Pe Laakhon Salam

Maani :-

Saaq = Pindli

Asl = Bunyad

Shaakh = Tehni

Nakhl = Darakht

Karam = Bakhshish

Shama' = Charagh

Asabat = Rasaayi, Manzil O Maqsood

Mafhoom :-

Mere Aaqa ﷺ Ki Pindliyaan Hain Ya Ke Jood O Ata Ke
Darakht Ke Do Shaakhien Hain Jin Ki Qiyadat Me Har Kisi Ko
Raah E Hidayat Aur Manzil Maqsood Mil Rahi Hain, Sirat E
Mustaqeem Ki Un Charagho Per Bhi Laakhon Salaam.

Naakhoon Mubarak :-

1

**Eid E Mushkil Kushaayi Ke Chamke Hilaal
Naakhuno Ki Basharat Pe Laakhon Salaam**

Maani :-

Eid = Khushi

Mushkil Kushaayi = Hajat Poori Karna

Hilaal = Pehle Se Teesri Tareekh Tak Ka Chand

Mafhoom :-

Sarkar ﷺ Ke Nakhoon Mubarak Sahaba E Ikram Bataur E Tabarruk Apne Paas Rakhte Aur Marte Waqt Wasiyyat Karte Ke Hamari Qabr Me Hamare Saath Isko Rakha Jaaye (Ihya Ul Uloom) . Ye Nakhoon E Aqdas Hai Ya Mushkilo Ko Hal Karne Wale Eid Ke Chaand Hain. Jo Sahaba Ke Liye Bhi Jannat Ki Zamanat Bane Huye Hain. Sarkar ﷺ Ke Un Nakhoonon Ke Fiza Pe Laakhon Salaam.

Qadam Mubarak :-

1

**Khaayi Quran Ne Khaak E Guzar Ki Qasam
Us Kafe Pa Ki Hurmat Pe Laakhon Salaam**

Maani :-

Khaak E Guzar = Raasta

Kafe Pa = Paaun Ka Talwa

Hurmat = Izzat

Mafhoom :-

Jin Raaston Se Mere Aqa ﷺ Ka Guzar Huwa Allah Ta'ala Ne Quran Me Unki Qasmien Yaad Farmayi Hain, Phir Jin Galiyo Me Huzoor ﷺ Ke Qadam Lage Itni Izzat Wali Un Talwo Ki Izzat O Azmath Pe Laakhon Salaam.

Talwa Mubarak :-

1

Neem Jalwe Ki Na Taab Aaye Qamar Saan To Sahi
Mehr Aur Un Talwo Ki Aayina Daari Wah! Wah!

Maani :-

Neem Jalwa = Aadhi Jhalak

Taab = Taaqat

Qamar Saan = Chaand Ki Tarah

Aayina Daari = Sheesha Rakhna

Mafhoom :-

Jin Ke Talwo Ka Dhovan Aab Hayat Aur Jis Zameen Pe Wo
Talwe Lagien Quran Qasmien Utha Ta Huwa Aur Jo Agar
Kabhi Taeef Ke Baazaron Me Lahu Lahan Huwa To Kabhi
Arsh Pe Jalwa Gar Huwa Bhala Wo Chaand Sooraj Me Un
Talwo Ke Jalwa Me Se Aadha Jalwe Ki Aayina Daari Ki Taan
Bhi Kahan Ho Sakti Hain.

Aeriyan Mubarak :-.

1

**Aa'riz E Shams O Qamar Se Bhi Hai Anwar Aeriyan
Arsh Ki Aankhon Ke Taare Hai Wo Khushtar Aeriyan**

Maani :-

Aa'riz = Rukhsar

Shams O Qamar = Chaand Aur Suraj

Anwar = Zyada Noorani

Khushtar = Zyada Umdah

Mafhoom :-

Nabi E Akram ﷺ Ke Paaun Mubarak Ke Ba Barkat Aeriyan
Sooraj Aur Chand Se Bhi Zyada Roshan Hai Balke Yun Ke Ke
Aap ﷺ Ki Aeriyan Aisi Khubsoorat Hain Ke Arsh E Ula Ne
Unko Apne Aankhien Bana Liya Hai.

2

**Taaj Rooh Ul Quds Ke Moti Jise Sajda Karien
Rakhti Wallah Wo Pakeeza Gohar Aeriyan**

Maani :-

Rooh Ul Quds = Jibraeel A.S





Wallah = Allah Ki Qasam

Gohar = Moti, Martaba

Mafhoom :-

Meri Shaan Wale Nabi ﷺ Ki Azmat O Shaan Hai Ke Sayyid Ul
Malaika Jab Meraj Ki Raat Huzoor ﷺ Ke Qadmo Ke Bose Le
Rahe The To Us Noorani Taaj Ke Jannati Noor Ke Moti
Huzoor ﷺ Ke Qadmo Sajda Karne Ke Liye Jhuke Huye The.

OUR OTHER PAMPHLETS



SABIYA VIRTUAL PUBLICATION
BY ABDE MUSTAFA OFFICIAL